

後山居士文集

三

後山居士文集卷第一

陳師道

無已

詩百二十九首

妾薄命二首

主家十二樓一身當三千古來妾薄命
事主不盡年起舞為主壽相送南陽阡
忍著主衣裳爲人作春妍有聲當徹天
有淚當徹泉死者恐無知妾身長自憐
葉落風不起山空花自紅捐世不待老
惠妾無其終一死尚可忍百歲何當窮
天地豈不寬妾身自不容死者如有知
殺身以相從向來歌舞處夜雨鳴寒蛩

南豐先生挽詞二首

早棄人間事真從地下游丘原無起日
江漢有東流身世從違裏功名取次休
不應湏禮樂始作後程仇

精爽回長夜衣冠出廣庭勲庸留琬琰
形像付丹青道喪餘篇翰人亡更典刑



侯芭才一足白首太玄經

送外舅郭大夫西川提點刑獄

丈人東南來復作西南去連年萬里別
更覺貧賤苦王事有期程親年當喜懼
畏與妻子別已復迫曛莫何者最可憐
兒生未知父盜賊非人情蠻夷正狼顧
功名何用多莫作分外慮萬里早歸來
九折慎馳驚嫁女不離家生男已當戶
曲逆老不侯知人公豈悞

送內

陳一

二

鹿麋顧其子燕雀各有隨與子爲夫婦
五年三別離兒女豈不懷母老妹已笄
父子各從母可喜亦可悲關河萬里道
子去何當歸三歲不可道白首以爲期
百畝未爲多數口可無飢吞聲不敢盡
欲怨當歸誰

別三子

夫婦死同穴父子貧賤離天下寧有此

昔聞今見之丹前三子後孰視不得進
嗟乎胡不仁使我至於斯有女初束髮
已知生離悲枕我不肯起畏我從此辭
大兒學語言拜揖未勝衣喚耶我欲去
此語那可思小兒襁褓間抱負有母慈
汝哭猶在耳我懷人得知

寄外舅郭大夫二首

巴蜀通歸使妻孥且舊居深知報消息
不忍問何如身健何妨遠情親未肯踈

限一

三

功名欺老病淚盡數行書

文人魯諸生明刑如臯陶幸寬右顧憂
未惜一身遙西南萬里行可以斷繩橋
慎勿用惠文神母仁如堯

城南寓居二首

游子莫何歸韋杜城南村秋水深可測
挽衣踏行雲道暗失歸處棲鳥故不喧
牛羊閉籬落稚子猶在門

潭潭光明殿稽首西方僊平生修何行

步有黃金蓮我豈昔好徑報以履下穿
洗足坐道場卒卒此何緣

江湖堂

莫愛西湖好涓涓去不迴無情是江水
猶解及時來

憶少子

端也早豐下歲晚未可量我老不自食
安得如我長呱呱棄不予退省未始忘
吾母亦念我與爾寧相望

陳一

四

眠雲齋

已是登臨晚長須愛惜春終當捐世事
來作卧雲人

贈二蘇公

岷峨之山中巴江桂椒枿櫨楓柞樟青
金黃玉丹砂良獸皮鳥羽不足當異人
間出駭四方嚴王陳李司馬揚一翁二
季對相望竒寶橫道驥伏箱誰其識者
有歐陽大科異等固其常小却盛之白

玉堂典謨頌雅用所長度越周漢登虞
唐千載之下有素王平陳鄭毛視荒荒
後生不作諸老亡文體變化未可量萬
口一律如吃羗妖狐幻人犬陸梁虎豹
却走逢牛羊上帝惠顧被不祥天門夜
下龍虎章前驅吳回後炎皇絳旂丹轂
朱冠裳從以甲冑萬鬼行乘風縱燎無
留藏天高地下日月光授公以柄扶病
傷士如稻苗待公秧臨流不渡公爲航
如大醫王治膏肓外證已解中尚彊探
囊一試黃昏湯一洗十年新學腸老生
塞口不敢嘗向來狂殺今尚狂請公別
試囊中方

暑雨

密雨吹不斷貧居常閉門東溟容有限
西極更能存束濕炊懸釜翻床補壞垣
倒身無著處呵手不成溫

送江楚州

豪梁初得意闕里舊論詩晚歲何多難
經年始一辭准人饑饉後良吏拊循時
欲託山陽簿翁歸不受私

南豐之子
為山陽簿

山口

湖闊疑無地河回忽見山登臨聊自試
衰疾致身閑四壁寧虞盜多方莫駐顏
無風回遠笛有月待人還

晁無咎張文潛見過

白社雙林去高軒二妙來排門衝鳥雀

陳一

六

揮壁帶塵埃不憚除堂費深愁載酒回
功名付公等歸路在蓬萊

示三子

去遠即相忘歸近不可忍兒女已在眼
眉目略不省喜極不得語淚盡方一哂
了知不是夢忽忽心未穩

次韻荅邢居實二首

漢庭用少公何在不使羣飛接羽翰今
代貴人須白髮掛冠高處未宜彈

秋來爲客意何如千里山河信不踈昔
日老人今則少不妨紅葉閉門書

丞相溫公挽詞三首

恭默思良弼詩書正百工事多違謝傳
天遽奪楊公一代風流盡三師禮數崇
若無天下議美惡併成空

百姓歸周老三年待魯儒世方隨日化
身已要人扶玉几雖來晚明堂訖授圖
心知死諸葛終不羨曹蜍

陳

七

少學真成已中年託著書輟耕扶日月
起廢極吹噓得志寧論晚成功不願餘
一爲天下慟不敢愛吾廬

次韻荅學者四首

黃州何
頴兄弟

津津爽氣貫眉目十五男兒萬里身筆
下倒傾三峽水曾中別作一家春

黃塵投老得何郎准擬明年共我長熏
沐不爲杯酒汗飛揚未許老夫量

暗中摸索不難知眼裏輪囷却見稀行

地徑須先八駿刺天終不羨羣飛
太阿無前鋒不缺鈇刀不堪供一切至柔
繞指剛則折善而藏之光奪月

次韻秦觀聽鴈聞雞二首

行斷哀多影不留有人中夜攬衣裘筆
頭細字真堪怨眼裏長檠不解愁
立馬階除待一鳴何如春夢不聞聲固
知雞口羞牛後不待鳴羣已可驚

嘲秦觀

陳一

八

長鈇歸來夜帳空衡陽回鴈耳偏聰若
爲借與春風看無限珠璣咳唾中

和豫章公黃梅二首

寒裏一枝春白間千點黃道人不好色
行處若爲香

色輕花更豔體弱香自永玉質金作裳
山明風弄影

答張文潛

宋詩云欲餉子桑歸
問婦食單過午尚懸墻

我貧無一錐所向皆四壁瀛洲足風露

胡不減飢色昔聞杜氏子剪髮事尊客
君婦定不賢三梳奉巾櫛

九日寄秦觀

疾風回雨水明霞沙步叢祠欲莫鷓九
日清樽欺白髮十年爲客負黃花登高
懷遠心如在向老逢辰意有加淮海少
年天下士獨能無地落烏紗

巨野

餘力唐虞後沉人海岱西不應容桀黠

陳一

九

寧復有青齊燈火魚成市帆檣藕帶泥
十年塵霧底瞥眼怪鳧鷖

追呼行

去年米賤家賜粟百萬官倉不餘掬青
錢隨賜費追呼昔日剜瘡今補肉今年
夏旱秋水生江淮轉粟千里行不應遠
水救近渴空倉四壁雀不鳴似聞爲政
不爲費兩不相傷兩相濟一年斂積用
一朝驚濤破山風動地

雪後黃樓寄負山居士

林廬煙不起城郭歲將窮雲日明松雪
溪山進晚風人行圖畫裏鳥度醉吟中
不盡山陰興天留憶戴公

秋懷示黃預

窻鳴風歷耳道壞草侵衣月到千家靜
林昏一鳥歸冥冥塵外趣稍稍眼中稀
送老須公等秋棊未解圍

送張支使

陳一

曠度逢知晚高才處下難清秋一鷄上
拭目萬人看白酒初同醉黃花已戒寒
憑將衰老事一一報長安

送杜侍御陝西轉運

餽糧千里古無策木牛流馬功不極邊
頭數米換黃金將軍汗馬未伏櫪黠羌
人面作胡語鳥雀貪生爾如許熊虎可
避蟲可驅覆巢熏穴意何如漢虜相當
庸可盡聊城正用一封書巧手莫爲無

麴麪誰能留渴須遠并國家有急君得
辭徐人不勞扣關請隴上壯士莫捫舌
河西狂王防係頸向來此地幾送迎草
間翁仲口不瘖十年兩熟飽可待一歲
四守人何心老稚持車車不留歸人不
行行轉頭關中正須蕭丞相省內早要
富民侯可同一夫在所潤歲晚得無溝
壑憂

送楊侍禁兼寄顏黃二公二首

陳

士

相逢今已晚同府尚經年衆口不成虎
諸公更薦賢兩親須薄祿一障欲乘邊
往問顏夫子何妨試着鞭

多問黃居士終年欠一書因人候消息
有使報何如向晚逢楊子真堪託後車
親年方賴祿不惜借吹噓

送外舅郭大夫夔路提點刑獄
天險連三峽官曹據上游百年雙鬢白
萬里一身浮可使人無訟寧須意外憂

平生晏平仲能費幾狐裘

謝人寄酒

舊香餘味記黃封厭見春泥滿眼紅千
乘莫從公子後百壺能爲故人東

從蘇公登後樓

倏作三年別才堪一解顏樓孤帶清洛
林缺見巴山五月池無水千年鶴自還
白鷗沒浩蕩愛惜鬢毛斑

一作更憶鬢毛斑

送蘇公知杭州

陳一

三

平生羊荊州追送不作遠豈不畏簡書
放曠誠不忍一代不數人百年能幾見
昔如馬口銜今爲禁門鍵一雨五月涼
中宵大江滿風帆目力短江空歲年晚

送秦觀二首

士有從師樂諸兒却未知欲行天下獨
信有俗間疑秋入川原秀風連鼓角悲
目前狔犬類未必慰親思

師法時難得親年富有餘端爲李君御

盡讀鄴侯書結友真莫逆論才有不如
折腰終不補可但曳長裾

和江秀才獻花三首

風雨東籬冷落看清溪水落玉峯寒酒
家不辦當壚費乞與先生種杏壇
踈花得雨數枝黃白髮緣愁百尺長要
與老生同一醉故留秋意作重陽
江公孤憤不宜秋吟作秋蟲到白頭過
我可爲千日醉從公難作百錢游

陳一

十三

次韻李節推九日登南山

平林廣野騎臺荒山寺鳴鍾報夕陽人
事自生今日意寒花只作去年香巾歌
更覺霜侵鬢語妙何妨石作腸落木無
邊江不盡此身此日更須忙

別負山居士

張仲達

田園相與老此別意如何更病可無酒
猶寒已自和高名胡未廣詩興尚能多
沙州東山路猶須一再過

送趙教授

束髮相看到白頭了知公鬢不勝憂可
堪親老須三釜又着儒冠忍一着平世
功名須晚節向來旬月取封侯北州豪
傑知誰健乞我黃淤十里秋

次韻春懷

欲作歸田計無如二頃何折腰方賴祿
拭面未傷和日下烏聲樂塵生鳥跡多
渡頭留小楫乘興得相過

陳一

西

黃梅五首

異色深宜晚生香故觸人不施千點白
別作一家春

舊鬢千絲白新梅日葉黃留花如有待
迷國更須香

冉冉梢頭綠婷婷花下人欲傳千里信
暗折一枝春

黃裏含真意春容帶薄寒欲知誰稱面
徧插一枝看

花裏重重葉釵頭點點黃
祇應報春信
故作着人香

田家

雞鳴人當行
犬鳴人當歸
秋來公事急
出處不待時
昨夜三尺雨
竈下已生泥
人言田家樂
爾苦人得知

巨野二首

紅落芙蓉晚
青深蒲稗秋
平湖無過鳥
鳴鼓有行舟

陳一

十五

蒲港侵衣綠
蓮塘亂眼紅
將身供世事
結纜待回風

別叔父錄曹

爲吏專文法
成家託弟昆
三年如昨日
一笑更何言
扶老須微祿
移官實至恩
兩踈元父子
何日復東轅

出清口

家世山東飽
耕稼晚託一舟
順流下漁
溝寒餅不下
筋推柂轉頭
更五夜平明

放溜出清口霜落潮回霧連野平淮一
夢三十里有日無風神所借似憐憂患
滿人間百孔千瘡咨一罇文章末技將
自効語不驚人神可嚇子女玉帛君所
餘寄聲白鳥煩多謝

泛淮

冬暖仍初日潮回更下風鳥飛雲水裏
人語櫓聲中平野容回顧無山會有終
倚檣聊自逸吟嘯不須工

猴馬有叙

楚州紫極宮壁有畫沐猴振索以戲馬
頓索以驚圍人不測從後鞭之人言沐
猴宜馬而今爲累作詩以導馬意

沐猴自戲馬自驚圍人未解猴馬情猴
其天資馬何罪意欲防患猶傷生異類
相宜亦相失同類相傷非所及志行萬
里困一悞吐豆齧芟甘伏櫪

徐氏閑軒

倦游梁楚愛吾廬
老寄山林孰與娛
想見杖藜臨過鳥
更能赤手縛於菟
君寧平世輕三釜
我亦東原有一區
擬買婢娟作歸計
可無堆玉斗量珠

寄豫章公三首

許官茶未寄

密雲不雨卧烏龍
已是人間第一功
得諾向來輕季子
打門何日走周公
愧無一縷破雙團
慣下薑鹽枉肺肝
誓酒不應忘此老
論詩寧肯乞麤官

陳一

七

生湏百斛買雙鬟
水截龍章試虎斑
老覺才粗渾不稱
自攜雲月馮溪潺

贈秦觀兼簡蘇迨二首

兩秦竝立難為下
萬里長驅在此初
別後未忘三日語
人來肯作數行書
文章從古不同時
詩語驚人筆益奇
過與阿平應絕倒
世間能有幾人知

送趙朝請赴蘇幕

好合同黃卷
情新更白頭
胡然落丹墨

不坐致公侯沙軟留徐步潮迴趁急流
平生湖海興日夜逐行舟

絕句

斫水水可斷續弦弦可完如何鄭公客
不作百年看

山口阻風

夕風朝未回來雲去爲雨繫舟直山口
天意遽如許濤風兩方鬪丘原莫當怒
兩山爲俯仰一鳥不得度臨深負高枕

陳一

六

偷生寧得所歷歷數過帆當塗氣如虎
快意亦適然淹泊豈吾取泝洄更去留
未易相爾汝行登東山顛壯觀前未覩
九澤不滿眼五丈才一縷茲山昔誰游
巨野傳自古菰魚無凶年末利猶不禦
荷隩活萬人黎埒視千戶東方富絲麻
小市藏百賈連檣自南北行談雜秦楚
向晚風力微湖清魚可數空倉鳥烏樂
外舍窻扉語身非天下惜家無十金聚

欲留盜賊迫欲去波濤怒兩者爾何從
一死吾未與

登真山

東山如覆盆石塔仍數層昔人行樂處
時過名不稱秋風變草木樵徑餘薪蒸四
顧一水間不復知淄澠菰蒲萬世利煙
火千人冒平生登山脚歲晚如不勝求
田君勿問撫髀吾何能飛鴻將自遠秋
水留心澄茲游豈不朽作歌記吾曾

陳一

十九

和蘇公洞庭春色

洞庭千木奴寸絲不挂手來輸步兵厨
釀作青田酒王家玉東西未覺歲華走
方從羅浮山

羅浮山有仙人種柑處

已作南陽壽

還將甕頭春慰子雪入牖我方縛禪律
一舉煩屢嗅東坡酒中仙醉墨粲星斗
詩成以屬我千金須弊帚何曾樽俎間
着客面顰黝定須笑美人

楚有甕者平原君美人笑

之蘸甲不濡口

擬古

盜中有聲囊不瘦
燕息不如帶加緊
人生七十今已半
一飽無時何可忍
公侯早歲有如此
奴婢葶食支夜永
向來糠粃之子孫
居鄰無僧家有井

嘲無咎文潛

詩人要瘦君則肥
便然偉觀詩不宜
詩亦於人不相累
黃金九鑠腰十圍
一飢緣我不緣渠
身作賈孟行詩圖
窮人乃工君未可
早據要路肩安輿

次韻夜雨

暗雨來何急
寒房客自醒
驟看燈閃閃
擬對竹青青
聲到江干盡
風回葉上聽
更長那得曉
欹側想儀形

晦日

人老時情薄
春深花意微
暄寒南北異
風俗古今違
即事無同異
旁觀有是非
食蔬如許瘦
飽肉未湏肥

登城樓

城郭春容晚因行可當遊飛來雙蛟蝶
目盡一浮鷗峽嶮山將合江平水却流
同來端興盡且爲小遲留

奉賀陳聖予

合譜兒童歲爲僚一再秋初聞消息報
已作別離憂急雪將無路寒江欲斷流
相逢寧易得端爲小遲留

和王子安至日三首

陳一

二

近節翻多事爲家不亦難老成須藥力
愁絕向誰寬凍雨能妨夢朝霜故作寒
衰顏心自了不待鏡中看

物理有終極人情從往還陰陽消長際
老疾去留間申白徒懷惠巢由不買山
更歌吾和汝風日稍侵顏

晨起公私迫昏歸鳥雀催百年忙裏盡
萬事醉間來竹雨深宜晚江梅半欲開
風燈挑不燄寒火撥成灰

次韻少游春江秋野圖二首

宗室畫

翰墨功名裏江山富貴人
倏看雙鳥下已負百年身

江清風偃木霜落鴈橫空
若箇丹青裏

猶須着此翁

秦詩云請君添小艇畫我作漁翁

寄文潛無咎少游三學士

北來消息不真傳南度相忘更記年
湖海一舟須此老蓬瀛方丈自飛仙
數臨黃卷聊遮眼穩上青雲小着鞭
李杜齊名吾豈敢晚風無樹不鳴蟬

陳一

廿二

連日大雪以疾作不出聞蘇公

與德麟同登女郎臺

掠地衝風敵萬人蔽天密雪幾微塵
漫山塞壑疑無地投隙穿帷巧致身
晚積讀書今已老閉門高卧不緣貧
遙知更上湖邊寺一笑潛回萬室春

立春

馬蹄殘雪未成塵梅子梢頭已着春
巧

勝向人真奈老衰頽從俗不宜新高門
肯送青絲菜下里誰思白髮人共學少
年天下士獨能濡濕轍中鱗

贈王聿脩商子常

欲作新詩挑兩公含毫不下忠先窮貧
逢大敵能無懼彊畫脩眉每未工畏病
忍狂妨痛飲晚雲朝雨滯晴空正須好
句留春住可使風飄萬點紅

寄寇元弼

陳一

十一

朱櫻青子已嘗新白帽黃衫見未頻載
酒對基無俗士閉門高枕有閑人有底
百年須薄祿相看一笑却關身肯留惡
客開家釀驚坐何人更姓陳

次韻敬酬元弼三兄

冥冥兩力及時來冉冉春光作意回白
髮尚堪供語笑青衫不惜着風埃林廬
要自家家到尊酒寧辭日日開只恐未
便文字飲人間無夢到陽臺

寄都下故人示三子安

湖海相忘日自踈經年不作一行書世
間惟有韓康伯肯爲淵源住歲餘

送張衡山

昔別青衿子今爲白髮翁此行何日見
多難向來同官事酣歌裏湖山秀句中
風塵莫回首留眼送歸鴻

除夜對酒贈少章

歲晚身何託燈前客未空半生憂患裏

陳一

苐

一夢有無中髮短愁催白顏衰酒借紅
我歌君起舞舞潦倒略相同

和賈耘老春晚

縈縈裊裊幾絲飛榴葉千燈照晚暉紫
翠園林鶯欲懶黃昏簾幕燕初歸花明
西苑將迎幸草綠平原正打圍一卧海
城春又晚不妨閑處得真機

擬漢宮詞二首

葉葉霜林着意紅翩翩行騎語墻東黃

金擬買長門賦未信君恩屬畫工
月與秋期特地圓花隨人意作春妍却
因姊弟爭珠鳳更欲君王意外憐
帳底吹煙香白薰鏡前含笑意生春經
年不道君恩薄却是恩深更誤人

擬李義山柳枝詞五首

江青沙日暖雄鴨雌鴛鴦相看不相識
花晚褪紅香

嫋嫋東門柳重重小苑花爲誰湏落子

着意莫藏鷗

陳一

斗

雨葉不自持風花故入衣飛花已無定
忍着惡風吹

伏雌將阿鶩水陸不相直鴨鴨橫波去
嗚嗚呼不得

莫解丁香結從教長苦辛却因千種恨
別作一家春

次韻鄭彥能題端禪師丈室

重門傑觀屹相忘表裏山河自一方小

市張燈歸意動輕衫當戶晚風長孤臣
白首逢新政遊子青春見故鄉富貴本
非吾輩事江湖安得便相忘

庚辰三月上旬登白門閑望

昔別子未仕人言詩有神預知河嶺阻
不作往來頻剩喜今猶學湏知祿爲親
五陵花滿眼作意莫禁春

次韻寇秀才寄下邳家兄

少共千憂老一官中間毀譽兩茫然去
留有命真如此俯仰從人却未然故着
江山供極目正將彊健入新年驚逢小
杜風流勝信有衣冠不乏賢

贈知命

黑頭居士元方弟不肯作公稱法嗣外
人恠笑那得知他日靈山親授記學詩
初學杜少陵學書不學王右軍黃塵扶
杖笑鄰女白衫騎驢驚市人靜中作業
此何因醉裏逃禪却甚堪其顧我無錢呼

畢曜有人載酒尋子雲君家曾直不解
事愛作文章可人意一人可以窮一家
怪君又以才為累請將飲酒換吟詩酒
不窮人能引睡不須無事與多愁老不
欲醒惟欲醉

次韻答少章

秦郎淮海士才大難為弟蔚然霜雪後
不受江漢洗春畦不滿眼采掇到芹薺
多病促餘年秋光欲辭抵儒林文人行
掘起三界底出入銀臺門為米不為醴
白頭容北面斯文分一體愧我無異聞
口闕不得啓

大風

飛沙破面風裂石平林隱隱傾霹靂野
火燎原塵漲天道聞馬嘶不相得老翁
疆欲作少年立馬堦除起無力城南桃
李春意動少待明朝莫相失

秦少章見過

淮南小山秦氏子舊雨不來今雨來風
席起塵晨突冷坐看鳥跡破蒼苔

送王君玉赴試

汝穎諸王後風流獨此人談鋒堅百戰
筆力舉千鈞得士吾無愧多聞子未貧
平生三學士相見定相親

送路糾歸老丹陽

身退不待年意足不待餘寧聞有餘論
但問我何如才名四十年盛氣蓋諸儒

獨無金水力竟與鼃龜俱晚爲府中掾
直前不趨趨曾何愧俯仰頗亦困囁嚅
有粟尚可糊有酒尚可娛一朝脫章綬
用意不躊躇富貴亦何有惜君寧挽裾
人生一世間誰得還其軀謝公江海人
此計竟亦踈千金一大錢兩子雙明珠
妙語發幽光東坡爲歛歔不知兩踈去
能亦有此無聊爲三徑資從子竝門居

送江季恭

正學元非世能詩新有聲諸公交鄭季
多士閉何生泛愛經過數移書底裏傾
又爲淮海別病眼向誰明

奉送閻醇老推官

古今猶異俗鄒魯尚多儒簿領三年責
雲霄一武趨數過忘潦倒惜別更斯湏
說與晁夫子今年雖也無

回風行

懸流洶洶從天來南風五日鬪不開御

陳一

沈

風起拖虎着翼衝風繫纜顏死灰昨日
逆風今日回萬人莫挽才浮盃篙牽相
賀天意得秋聲滿帆風倒桅去留異態
湏一怒造物可得無嫌猜

荅李簿

老去才先盡春來酒屢空甘爲耕釣手
畏作囁嚅翁與罪寧無說言詩新有功
不堪湏野鷺似欲吐長虹

謝傅監

好士如好色昔聞今則無平生席爲門
未識長者車曠士慕林谷羈人辱泥塗
願爲執鞭役莫順下風趨去年辱公先
懷刺留寓居我往拜其門鸞鷲鳴高梧
論交不計年取材忘其愚一寒我如此
百鎰公無餘今年賀公歸乃復過我廬
當使有近行鷹門有長湏小家不耐事
雞飛犬舂閭莫歸自有恨親顏一何娛
汝家吾無憂能致賢大夫吳公漢庭右
投杼公何如

賀文潛

飛騰無那高詹事犇軼難甘杜拾遺釋
梵不爲寧顧計公侯有命却隨宜且留
陳迹來韓愈不用逢人說項斯富貴風
聲真兩得窮人從此不因詩

贈張文潛

少公之客也
聞文潛召試

張侯便無腹如鼓飢雷收聲酒如雨讀
書不計有餘處尚着我輩千百許翻湖
倒海不作難將軍百戰富善賈弟子不
必不如師欲知其人視其主秋來待試
丞相府殺馬礪兵吾甚武商周不敵聞
其語一戰而霸在此舉百年富貴要自
取人將公卿還爾汝德如墨君誰敢侮
次韻荅秦少章

學詩如學仙時至骨自換縹緲鴻鵠上
陳一
衆目焉能玩子從淮海來一喙當百難
世
師儒有韓孟拭目互驚惋老生時在傍
縮手愧顏汗黃公金華伯莞爾回一眄
彼方試子難疾前不應懦要當攻石堅
切作搏沙散栢壁雖具美礧錯加璀璨
我老不足畏後生何可慢

次韻荅子實秦少章二首

英英黃金花論時不論美靖節骨已朽
棄捐乃其理兩公意有餘采采今未已

尚念白頭生臨風嗅霜葉
文新情已故室遠人則邇杯酒不相忘
一朝得二子初花美無度後時終可鄙
與汝卧秋風看君控雙鯉

九月十三日出善利門

十載都城客孤身冒百艱一飢非死所
萬里有生還去國吾何意從人病不間
共看雙白鬢似得半生閑

三

後山居士文集卷第一

